

**TEZĂUR LITURGIC**  
**18 OCTOMBRIE**

**ACATISTUL**  
**SF. APOSTOL**  
**ȘI**  
**EVANGHELIST**  
**LUCA**



**MOSCOVA, 2000**



# **Акафист**

## **СВЯТОМУ АПОСТОЛУ**

### **и евангелисту Луке**

#### **Кондак 1**

---

Премудрым промыслом Божиим избранный, да благовестуеши светлость Христова Евангелия всему миру, Луко всеблаженне, велие дерзновение имаши пред лицом Господа, Чей земный живот и учение списал еси. Испроси и нам, немощным и слабым, прощение согрешений и утверди в нас надежду Царствия Небеснаго, да возможем ти всерадостно взывать:

Радуйся, святой Луко, Евангелисте Христов и Апостоле.

#### **Икос 1**

---

Всемиловитый Господь в грехе потопленному роду человеческому посла Сына Своего, да Он Своим животом, смертью и славным Воскресением изведет сей род из тьмы и направит к святости. Через тебя же,

Евангелисте святой, начертаны тайны неба и земли, дабы вси человецы до конца века путь к той святости вели и, благодарни суще, взывали ти:

Радуйся, Духом Святым просвещенный на списание Евангелия; радуйся, Феофилу достопочтенному и всем нам бисер драгий Евангелия Христова обретший. Радуйся, яко Богом избран был еси, да объявиши тайну спасения; радуйся, благовестителю Благия Вести. Радуйся, яко Христа пришедша грешныя спасти проповедавший; радуйся, яко един еси от четырех Евангелистов. Радуйся, яко Дух Святой и чрез тебе Четвероевангелие в мир излиал еси; радуйся, в тайны Божии духом воснесыйся. Радуйся, яко словеса твоя просветиша вселенную; радуйся, яко мрежею твоего Евангелия многи словесны души уловивый. Радуйся, изъяснителю Новаго Завета; радуйся, звездо, в Церкви Небесной сияющая.

Радуйся, святой Луко, Евангелисте Христов и Апостоле.

## **Кондак 2**

В младости твоей возжелавше мирския мудрости, Луко премудрый, ей научился еси,

пришедше же в Иерусалим из Антиохии, егда Господь Иисус Христос Свое Божественное слово на земли сеял еси, сердцем доброе семя восприял еси, исполнившись же небесной радости, воспел еси велегласно Богочеловеку Христу: Аллилуиа.

## Икос 2

Зерно божественной любви прозябе у тебе стократный плод, яко ты, слушая Его учение и чудеса видя, исполнился божественной мудрости и ведения, коликих эллинская и египетская училища дати ти тщетны бысть. Оттуду избра тя Господь и прочих семьдесят Апостол и посла, да проповедите Благую Весть спасения рода человеческого. Мы же чрез твое Святое Евангелие и донныне пия ту Божью премудрость, воспеваем ти тако:

Радуйся, Христовой благодатию в сердце уязвленный; радуйся, яко божественная премудрость бе ти вместо мирской мудрости, ейже обучен бысть. Радуйся, яко вся оставивши, за Христом Господом последовал еси; радуйся, вестниче Господень. Радуйся, зиждителю веры Христовой; радуйся, самовидче, Его же чаяли языцы. Радуйся, родословие Христово до Адама

возведший; радуйся, Владычицы икону первый написавший. Радуйся, Иисуса Сыном Божиим и Человеческим возвестивший; радуйся, неутомимый ратниче за истину Христову. Радуйся, искусный ловителю душ людских; радуйся, сеятелю доброго семени, стократный плод приносящего.

Радуйся, святой Луко, Евангелисте Христов и Апостоле.

### **Кондак 3**

---

Вооруженный от Господа силою и властью, святой Луко, да проповедеси Евангелие и твориши чудеса, со прочими Апостолами гряде пред лицом Господа Христа, уготовляя Ему путь и проповедуя людям яко в мир пришел еси от века обетованный Мессия, Коему вси яко Богу от ныне и до века да взывают: Аллилуиа.

### **Икос 3**

---

В последния дни земнаго живота Господа Иисуса Христа, егда неправедныя судий Праведнаго Судию осудиша и на Кресте Господа распяша, ты, святой Луко, в Иерусалиме пребыл еси, со слезами взирая, како неповинная кровь

Учителя твоего изливаешься на грешную землю.  
Плачуще едино с тобою, с печалию мы речем ти:

Радуйся, яко страдания Христа Спасителя списал еси; радуйся, верный слуго Всецаря Христа. Радуйся, яко славу Божию возвестил еси; радуйся, луче небесная во тьме мира сего. Радуйся, противу врага, в Иуду вшедша, нас вооруживый; радуйся, Петром усеченным и Христом исцеленным рабом милосердию нас научающий. Радуйся, кладезе, из негоже водою живою напояемся; радуйся, яко радостно и без страха словеса Божии в люди приносивший. Радуйся, сердца обрезание прияти паче плотскаго обрезания возжелавший; радуйся, доброе гроздие винограда Господня. Радуйся, яко лицом к лицу Бога чрез Христа узрел еси; радуйся, яко Господа и ныне в Царстве Небеснем видиши.

Радуйся, святой Луко, Евангелисте Христов и Апостоле.

#### **Кондак 4**

---

Печаль твоя претворися в радость, богоубийц же радость обратися в печаль, яко да не мощна бысть смерть противу Источника Живота и камень гробный не можаше удержати Каменя

краеугольного. Господь твой воскрес из мертвых и миру дарова живот вечный. Ты же с братиею в радости всесильней до небес восклицаше: Аллилуиа.

#### **Икос 4**

Егда с Клеопою в неделю Воскресения идоша в ближний Еммаус, явися вам Господь и идоша с вами. И бысть вам сердце горяще и душа трепетна, доколе Он вас поучал о Себе от пророк и писания, вы же Господа не познаша, дондеже на трапезе вечери преломи Он хлеб и благослови, и отверзлись вам очи и уразумеша, яко то бысть воскресый Господь. Познавая о том из твоего Евангелия, и ныне души наши притрепетны бысть, сего же ради радостно воспеваем ти:

Радуйся, Воскресение Христово видевший; радуйся, от несмысленности к богомудренности Христом приведенный. Радуйся, яко Христос отверз ти разум, да уразумееш Писание; радуйся, яко бе ти сердце горяще, егда Господа слушал еси на пути во Еммаус. Радуйся, яко ти Христос Своима рукама хлеб преломленни преподад еси; радуйся, яко Христос словеса ваша о явлении Его на пути в Еммаус, паки

явившись учеником, запечатлел еси. Радуйся, яко испив чашу премудрости, многих познанием Христа Спаса напоил еси; радуйся, яко всем Евангелие воскресшаго Христа проповедал еси. Радуйся, яко нам источник спасения отверзл еси; радуйся, яко Путеводительницу к жизни во образе нам преподал еси. Радуйся, светлосте разумнаго Солнца; радуйся, яко нас научиша веровати в Святую Троицу.

Радуйся, святой Луко, Евангелисте Христов и Апостоле.

### **Кондак 5**

---

Егда воскресый Господь спасения нашего ради основа Церковь Свою и по обетованию низпосла в день пятидесятый по Воскресении Духа Святаго на Апостолы, да их запечатлеет свидетели непоколебимы веры христьянския, и ты, святой Луко, пребываше в Иерусалиме. Купно с иными Апостолы верно свидетельствова Богочеловека Христа и воспевал Ему яко истинному Богу: Аллилуиа.

### **Икос 5**

---

В отечество послежде твое Антиохию направил ся еси, еже бе страна многими

христианы населенная, но в Севастии умедлил еси, проповедующе Евангелие спасения, тамо же нетленные мощи святого Иоанна Предтечи почиваша. Узрев тии, возжелал еси с собою их понести, христиане же Севастийские не восхотевше лишиться сицевой святыни и тако вручиша ти десницу Иоаннову, под ню же Сам Господь приклони Божественную главу в крещении, ту же ты радостно понесл еси, мы же, дивящся твоей любви к святым, восклицаем ти таковая:

Радуйся, свидетелю снисхождения Духа Святаго; радуйся, яко нам како Церковь создана была еси описал еси. Радуйся, яко себе рососою небесною явил еси и свет просветил еси; радуйся, яко Духом Святым Новый Завет начертася на сердце твоём. Радуйся, яко Духом Святым миру изъясни божественную истину; радуйся, Господа всех мирови благовестителю. Радуйся, от Бога избранный таинниче; радуйся, яко сердце свое очистил еси светлостию Духа Святаго. Радуйся, яко предстательство Предтечи обрел еси; радуйся, благочестиваго употребления вещей освященных начинателю. Радуйся, Закхей, сребролюбием уязвленнаго,

очистившагося показавый; радуйся, яко многи  
тя заступником пред Богом имеют.

Радуйся, святой Луко, Евангелисте Христов и  
Апостоле.

### **Кондак 6**

---

С десницею же Иоанновою, святой Луко,  
якоже сребролюбец, бесценное сокровище  
стяжав, достиг своего отечества к радости  
велей христиан Антиохийских, коих в словах  
божественных и радости Христоваго Евангелия  
паче утвердил еси, глаголаше же им Сына  
Божия чудесы, еже своима очима видел еси, и  
учение Спасителя мира, еже своима ушима  
слышал еси. Внимающе глаголам твоим  
премудрым, воспевали они радостно Богу:  
Аллилуиа.

### **Икос 6**

---

Пребывал же ты в Антиохии доколе Апостол  
Павел не призва тя, да будеши ему сотрудник и  
сопутник на пути Божиим и вы в Еллинску  
страну на проповедь Евангелия не отправишася.  
Павел же святой остави тя в граде македском  
Филиппы, да утвердиши и умножиши Церковь.  
Тамо же пребыл еси, проповедующе и

насаждающе христианство. Дивящесе таковому твоему труду, взываем ти:

Радуйся, неутомимый спутниче Апостола Павла; радуйся, со Павлом премудрым избранный учителем языков. Радуйся, яко неизреченно просвещаеши всю вселенную; радуйся, всех уязвленных утешителю. Радуйся, врачу, силою Вышняго Врача исцеление подающий; радуйся, яко ты Евангелием своим от смертоноснаго древа избавил еси нас. Радуйся, служение имением аки похвальное показующий; радуйся, Марии, Иоанны, Сусанны и прочих благоразумия несребролюбива возвестителю. Радуйся, Иосифа Аримафейскаго похвалителю; радуйся, яко уныние из сердец наших изгнал еси. Радуйся, молитвенниче наш пред Богом; радуйся, яко многих ко светлости Живота призвал еси.

Радуйся, святой Луко, Евангелисте Христов и Апостоле.

### **Кондак 7**

Егда святой Павел при конце третияго апостольскаго путешествия паки Филиппу посети, он тя, святой Луко, в Коринф направил еси, да приимеши благословение сирым

христианом, в Палестине сущим. С того часа не отступающе от великаго Апостола, воспевал еси с ним вкупе Всемогущему Богу: Аллилуиа.

### **Икос 7**

---

Обойдя в радости все Церкви в Азии и Иудеи, вы Палестины достигли есте, града Кесарийскаго, идеже евреи, от лукаваго одержимья, оковами от римския власти святаго Павла обложили есте, он же потребова суда кесаря в Риме. На пути же к оному, ты ему неотступно предстоял еси, многи беды претерпевающе на мори и на земли. Восхваляя за то, почитающе тя восклицаем:

Радуйся, Павлов помощниче в служении; радуйся, яко его проповедание описал еси. Радуйся, врачу возлюбленный; радуйся, колоссян чрез Павла во узах приветствовавший. Радуйся, Христа словом и писанием свидетельствовавший; радуйся, яко горьку от безбожия соль Божественною солью усладивший. Радуйся, стрело благочестия Христова; радуйся, яко нас напояеши Евангелием Христовым. Радуйся, трубо Божественная благодати; радуйся, таин неизреченных проповедниче. Радуйся, всех

немоцных укрепление; радуйся, от демонов избавителю.

Радуйся, святой Луко, Евангелисте Христов и Апостоле.

### **Кондак 8**

---

Достигнув Рима, ты купно со Апостолами Павлом, Марком, Аристархом и прочими Христа проповедовал еси, вначале евреом, после же их, вашим словесам не верующим, распри меж собою имущим, и всем, не знающим Бога, кои услышав словеса спасения и Духом Святым просветлении, радостно воспели Воплотившемуся Христу Господу: Аллилуиа.

### **Икос 8**

---

Во время оно в Риме ты, святой Луко, соверши то, на что Бог избра ты от века: списа Святое Евангелие, в коем начертал живот и род Господа Иисуса Христа, яко сам виде и слыша и яко от самовидцев и слуг Слова приял еси. В оном святом послушании Апостол Павел руководи тя, послежде он и твое Святое Евангелие похвали. В Риме же ти сущу и словеса Апостола Павла слушающу, и деяния апостольския списаны тобою бысть. Не вемы,

яко ты инии восхваляют, мы же ти приносим таковая:

Радуйся, яко безбожный мир Божественною благодатию напоил еси; радуйся, Духом Святым запечатленный. Радуйся, верный учениче неизреченных таин Христовых; радуйся, догматов церковных вразумителю. Радуйся, яко рукою Владычнею вышним ведением обогащен бысть; радуйся, яко от Апостола Павла многия тайны Христовы слышал и списал еси. Радуйся, Апостола языков сотрудице неутомимый; радуйся, яко твое благовестие пройде по всей земли. Радуйся, яко нам вином Божией премудрости сердца увеселил еси; радуйся, яко ты един благоразумнаго разбойника покаяние в Евангелии списал еси. Радуйся, богатство стяжавшим благоразумие мытаря приведый; радуйся, самарян-язычников благодарных и милосердых показавший.

Радуйся, святой Луко, Евангелисте Христов и Апостоле.

### **Кондак 9**

Егда Апостол Павел после двухлетних уз отпущен бе и потече из Рима обойти ранее основанныя церкви, ты, Луко святой, его

верный спутник в том пути обретется. Егда же Нерон жестокое гонение на христиан в Риме воздвиже, вы возвратистася во еже ободрите и укрепите гонимую Церковь, она же и в узах и в крови радостно воспевала еси Богу: Аллилуиа.

## Икос 9

Егда возбешенные безбожники Апостола Павла схватиша и заключиша в оковы, ты святыи Луко, и прочее с ним верно и неотступно пребыл еси. Егда же наставник твой мученически предаваше чистую свою душу Господу, ты со слезами пребывал при нем. Соскорбя боли твоей, мы велегласно поем:

Радуйся, яко единый Апостола Павла в узах не оставил еси; радуйся, яко мученическую кончину великаго Павла узрел еси. Радуйся, от Трояды до врат райских Павлу последовавый; радуйся, богомудрым Павлом изрядно наставленный. Радуйся, деяний Апостолов изложителю; радуйся, светильниче Церкви. Радуйся, яко блистанием твоего духа просвещаеши сердца верных; радуйся, лествицу демонскую теплотою веры отгнавый. Радуйся, яко Господь чрез тебя многия добродетели учини; радуйся, ризнице, дарований небесных

исполненная. Радуйся, благочестия непоколебимый столпе; радуйся, яко имя твое святое вси языцы поминают.

Радуйся, святой Луко, Евангелисте Христов и Апостоле.

### **Кондак 10**

---

После мученическая кончины Апостола Павла ты, святой Луко, в стране Италийстей, Далматстей, Галльстей, сугубо же - Македонстей и Ахайстей Христа проповедал еси, всюду мрак безбожия разгоняя и языки научая, да вси Богу Живому и Истинному восклицают: Аллилуиа.

### **Икос 10**

---

В старости твоей ты в Египет потекл еси, да проповедуеши Благою Весть спасения Господа Иисуса Христа. Проповедуя же, многая мучения претерпе и множества подвигов подъя. Возвратившуся же ти в страну Еллинску, ты Церковь устраял еси, священники с диаконами рукополагая, болящих телом и душою исцеляя, за что благодарни суще мы радостно ти взываем:

Радуйся, яко Тело Христово - Церковь Святую - устраял еси; радуйся, заре новаго дне. Радуйся,

путеводителю наш на небо; радуйся, древо доброе, многая плоды принесшее. Радуйся, награду за весть благу в Царствии Небесном восприемший; радуйся, обличителю безбожия. Радуйся, проповедниче Божиих преславных чудес; радуйся, яко нам новый закон Божий списал еси. Радуйся, нас на подвиг деятельныя любве подвизающий; радуйся, яко из уст твоих боготочныя воды истекоша. Радуйся, яко проповедию твоею солнцу подобно возсиял еси; радуйся, яко икона твоя украси храмы христианския.

Радуйся, святой Луко, Евангелисте Христов и Апостоле.

### **Кондак 11**

Бе же ти осмьдесят лет и четыре, егда злобнии идолопоклонницы схватиша тя и бияше Христа Господа ради и возвесиша на масличном древе в Фивах Беотийских, тамо же и мощи твоя святыя погребены бысть. Святую душу твою Ангелам предающе, яко тии ю ко Господу вознесоша, Коему ты верно в сем животе послужил еси, ты и в оном свете воспевал Господу: Аллилуиа.

## Икос 11

Святая твои и чудотворная мощи многих исцелиша, сугубо же очами болящих. Констанций царь слышавше сие, с торжеством их в Царьград пренесл еси. Един от евнух, зле болящий, уведевше о том, повеле ся на ложе к раце со твоими мощами принести и с твердою верою раки прикоснулся еси, и с того часа здрав бе. Возрадовавшись он со иными мощи понесе, они же быша положени под святою трапезою купно с мощами святых Апостолов Андрея и Тимофея. Мы же чуду таковому дивящеся, взываем ти:

Радуйся, яко и на твоей мученической крови Церковь Христова созиждена еси; радуйся, венцем мученическим увенчанный. Радуйся, врачу, от исления Христом добре уврачевавыйся; радуйся, сам себе в жертву благоуханную за благуя весть принесший. Радуйся, яко многия поругания за Христа восприявший; радуйся, яко мученичеством веру в Христа засвидетельствовавший. Радуйся, яко в тиих мучениях стар бе и не изнемогоше; радуйся, яко твое течение доброе страданьми запечатлел еси. Радуйся, яко не неверен слуга

Господа Христа явился еси, яко мнози от нас; радуйся, яко ты и земная и небесная Церковь славит. Радуйся, персте Духа Святаго; радуйся, яко радуешися купно со святыми в Царстве Небесном.

Радуйся, святыи Луко, Евангелисте Христов и Апостоле.

### **Кондак 12**

---

Купно со словесным Евангелием, святыи Луко, Евангелие во образах ты нам оставил еси, яко христианам тех времен изволившим, живописа три иконы преблагаго лика Матери Божией, рекшей: Благодать Родившагося от Мене и Моя милость с сими иконами да пребудут. Благодарне суще, яко и нас удостоил еси благоговейно взирати на лепоту Девы и Сына Ея, радостно Премудрому Господу взываем: Аллилуиа.

### **Икос 12**

---

Живописал еси, святыи Луко, на дске иконы святых Апостолов Петра и Павла. И тако начаток положил еси и в сем дивном и богоугодном деле писания святых икон во славу Божию, Пресвятыя Богородицы и всех святых,

они же до сих пор благолепно украшают храмы Божии и ко спасению призывают всех, благоговейно их почитающих. И за сие дарованное тобою нам благодарни ти суще, мы восклицаем:

Радуйся, евангельских таин благовестниче; радуйся, весь род человеческий чающим Спасителя уяснивший. Радуйся, Матерь Божию на иконе изобразивый; радуйся, яко Она твое святое дело благословила еси. Радуйся, Девы лик увековечивый; радуйся, яко неизреченную радость нам тем в сердца донесший. Радуйся, яко тобою многи чудесы Царица Небесная от икон Своих предначала еси; радуйся, яко благий лик Матери Божией, тобою отображенный, уныние от нас отгоняет. Радуйся, яко ти Матери Божия тайны о Сыне Своем, в сердце носимья, поведала еси; радуйся, яко величание Мати Божией в Ея честь воспеваем из твоего Евангелия. Радуйся, яко ти Мати Божия архангельское благовестие поведала еси; радуйся, яко Материю Божией благословенный.

Радуйся, святой Луко, Евангелисте Христов и Апостоле.

## Кондак 13

О, святой Евангелисте и Апостоле Луко, трубо небесная, прими сия немощная наша словеса яко молитву и испроси нам у Бога, Господа Иисуса Христа, Коему ты тако неумоимо послужил еси и великую милость от Него стяжал еси, прощение всех согрешений наших, мирен и безболезнен конец живота и невозбранен преход в мир духовный, в нем же вси святии воспевают небесную песнь: Аллилуиа.

(Этот кондак читается трижды, затем икос 1-й и кондак 1-й)

